


豐城縣志





豐城縣志

卷一

分野

四

象緯圖說

鄭樵通志云無圖有書不可用者天文是其一也而歷世天文志徒有其書無載象之義故後世但識星名不可以仰觀雖有其書茫如也豐邑隸豫章郡禹貢爲揚州域地屬吳占星斗分野史記正義又云吳地斗牛之分野則專言斗分野與兼言斗牛分野者固自不侔且天文諸書及各志所載入斗度數復有異同不圖考焉方位幾不可識然繁星麗天圖義類難詳於邑乘因譜吳興鄭元慶廿一史編象緯一圖以著景象而考星躔是圖內分三垣紫微太微天市居焉外列四維二十八

宿居焉紫微北斗四星曰權爲時主水其分爲吳太微  
三台六星上台上星主兗豫下星主荆揚天市二十二  
星分列國東藩十一星第六曰吳越二十八宿斗二十  
五度天廟也占於南斗星盛明主天下和平爵祿行南  
斗六星第一主吳二主會稽三主丹陽四主豫章五主  
廬江六主九江擬其方位殆可按圖而占矣豐故豫章  
邑占南方之星遠在斗牛間而近測則專在斗文曜麗  
乎天星精本乎地列居錯布各有攸屬測驗家歷歷言  
之茲圖略爲辨方觀象之一助而詳錄諸家之說及前  
志考辨於後備掌故焉

豐城縣志

卷之一

星野

三

黃帝分星次自斗七二度至婺女七度曰星紀又星紀  
吳越也

周禮保章氏註云斗牛女揚州

爾雅云星紀斗牽牛吳分野

廣雅云揚荆主斗玉衡星

石氏星書云北斗第一曰正星二曰法星三曰令星四  
曰伐星五曰斂星六曰危星七曰部星亦曰應星一主  
天二主地三主火四主水五主土六主木七主金一主  
秦二主楚三主梁四主吳五主趙六主燕七主齊  
史記天官書云吳楚之疆候在熒惑占於烏衡

史記云南斗牽牛星吳越之分野吳地斗牛之分野卽今允章諸郡 又曰斗江湖以江北有巢湖江南有丹陽彭蠡等湖故以江湖括之

又云丙丁江淮海岱也豐邑隸豫章屬江占丙丁

馬融尙書註云北斗七星各有所主第一曰主日法天第二曰主月法地第三曰命火熒惑也第四曰煞土填星也第五曰伐水辰星也第六曰危木歲星也第七曰罰金太白也

漢書天文志云戌吳越與戌降婁屬魯之說不同蓋以日辰言非以方位言也

## 豐城縣志

### 卷之一

星野

### 四

漢書分野云斗江湖牽牛婺女揚州吳地斗分野今之會稽九江丹陽豫章廬江廣陵六安臨淮郡盡吳分也茅鹿門云此言分野較史記特詳

春秋文耀鉤云蒙山以東至江南會稽震澤徐揚之州屬權星

論語摘輔象云兗豫屬上台荆揚屬下級

下級上台下星也

費直星厯云南斗之十度屬豫章

晉志州郡躔次云九江入斗一度廬江入斗六度豫章入斗十度丹陽入斗十六度

晉史王導云南斗揚州分野

賈公彥云雍州屬魁星冀州屬樞星兗州屬璣星徐揚屬權星荊州屬衡星梁州屬開暘豫州屬瑤光

章潢星紀說云古者歷紀日月五星皆起於牽牛之次故曰星紀後漢郡田志乃自南斗十二度至須女七度爲星紀之次

唐天文志云南斗二十五度每一星得四度一分分之六有奇豫章起斗十二度六分終十六度六分有奇宋兩朝天文志云天市垣二十二星東西各十一星東垣第一星曰宋第二星曰南海第三星曰燕第四星曰

豐城縣志

卷之一

星野

五

海第五星曰徐第六星曰吳越第七星曰齊第八星曰中山第九星曰九河第十星曰趙第十一星曰魏西垣第一星曰韓第二星曰楚第三星曰梁第四星曰巴第五星曰蜀第六星曰秦第七星曰周第八星曰鄭第九星曰晉第十星曰河間第十一星曰河中

蘇軾辰次圖云南斗十度爲吳之頭軫十度爲楚之尾黃庭堅云勾吳之區維斗所直半入於楚終蝕於越

梅文鼎云崇禎初測得京省北極出地度分北京四十

度

周天立算

南京三十二度半江西二十九度

又曰東西偏度以京師子午線爲中而較各地所偏之

度凡氣節之早晚有食之先後胥視此今據廣輿圖計里之方約略條列江西南昌府偏西二度半

又云晉天文志分野始角亢者以東方蒼龍爲首也唐始女虛危者以十二支子爲首也今始斗牛者以星紀爲首也古言天者皆由斗牛以紀星故曰星紀是之取爾斗三度至女一度星紀之次也江西布政司所屬皆斗分

天文秘訣云南斗牽牛星紀之次初斗十一度外末女七度內於分爲吳越於辰在丑於野在揚

元郭守敬天文志云星紀起斗三度七十六分八十五

豐城縣志

卷之一

星野

六

秒終女二度六分三十八秒

經星過度考星紀舊斗十二度過丑今斗二度過丑萬年新書云箕三度過丑入星紀之次

明天文志云南斗六星全體合距杓爲度今歷家以距魁四星爲度杓二星入於箕

明列郡分野紀云江西南昌府古揚州斗分野春秋戰國時爲吳越之交秦屬九江郡漢置豫章郡

于大吉利訣云九江入斗五度豫章入斗十度彭蠡入翼十五度

天文志云斗六星去極一百十九度赤道二十五度二

十分黃道二十三度四十七分黃道自斗三度七十六分八十五秒入丑赤道自斗四度九分二十六秒入丑朱子十二辰次說云一歲日月十二會所會爲辰如十一月辰在元枵子位十二月辰在星紀丑位之類是也然此特在天之位耳若以地言之則南面而立其前後左右亦有四方十二辰之位但在地之位一定不易而在天之象運轉不停惟天之鶉火于地之午位乃與地合而得天運之正耳

過宮圖云斗三在寅斗四過丑

國朝

豐城縣志

卷之一

星野

七

定萬年書順治元年日躔箕四自箕四度入丑至斗二十四

度

南昌府屬測驗箕入度

康熙三十三年甲戌日躔箕三自箕三度入丑至斗二

十三度

南昌府屬測驗箕七度

乾隆二十六年日躔箕一自箕一度入丑至斗二十一

度

南昌府屬係箕五度即康熙三十三年日躔箕三箕七屬南昌明清類天文志斗八元郭守敬斗八度宋

之斗十唐之斗十三晉時之斗十六周末躔牽牛時之太史時斗十後漢郡國志斗十六周末躔牽牛時之牛躔女三時之女七堯躔虛七時之虛末黃帝躔危宿之危此隨歲差天運動星躔有易測驗之度也若夫地平不動之方位吳越揚州之域星紀之次於宿歷千百世總之屬斗牛女俱據萬年書

舊志云周禮大司徒以土宜辨十二土未言所辨何土

保章氏以星土辨九州未言所辨何星鄭康成乃釋以十二國分配十二次嗣是或繫北斗或繫五星或繫三台天市或繫二十八宿諸家不一漢書分十二次度數最詳魏太史令陳卓更立郡國所入宿度而晉書天文志緣此參定州郡度法故郡邑舊志咸以晉書豫章入斗十度爲斷夫越不可伐士墨占於星紀晉人是居董固測於實沈星見夫辰而宋國火歲淫元枵而楚子凶分野之驗自不敢畧細考唐書山河存於兩戒固知星土以氣相屬而不侮夫方隅可無惑於吳越南而星紀北斗牛北而謂之揚州矣復徵揚吳往事若唐貞元十

九年熒惑入南斗色如血明年江浙旱宋紹興十七年熒惑入南斗明年江西盜起二十三年月犯南斗是歲江西水乾道三年月入南斗魁是歲江西大水旱豫章屬斗分野信已竊有疑者晉書謂在斗十度唐書謂起斗十二度四分終十六度六分西土南懷仁謂在斗七度江西舊志引分野圖說又謂在斗八度之數說者將孰是而孰非耶姑就晉志論之已云九江入斗一度廬江入斗六度豫章入斗十度而所列星紀之次又起斗十二度終女七度則豫章十度當在析木之津不在星紀星紀屬吳析木屬燕以吳爲燕可乎以據地球圖說

天三百六十五度餘四之一爲地一週每度約地二百五十里豫章距九江不越三百里乃至差九度之多經以江漢則九江南廬江北界以彭蠡則九江北豫章南由九江一度至廬江六度自南入北由九江一度至豫章十度又自北入南揆諸地輿遠近星度順逆抑何大不相協乎按十二次中分隸二十八宿每次得宿度三十分四十三分七十五秒此蓋古法而過宮度數古今不同則宋志王奕有曰帝王世紀費直周易蔡邕月令與三統歷殊少或差一二度多至差六七度是何也每歲有差故日月所會之次分度亦異是也王奕又曰二

豐城縣志

卷之一

星野

九

十八宿未始有度不過因日行躔度而假星象著明者以計耳如井斗度闊觜鬼度狹要以日躔相值分之其數多寡於是焉生但赤道天度黃道日度均以各宿分配而兩道度不相等有言宿度當於赤道爲法推黃道不合度或言欲知日月五星之行必先審黃道之度而後可推諸分野及查各宿本度類多增損亦靡有定今且參觜互易其位多寡懸別其數然則度固不可以膠執者也且二十八宿雖曰經星附天不動未有不與天同運者天運三十歲一小變百年中變五百載大變天官書嘗備言之甯有在天運度與時推遷而郡邑所入

之度猶得拘守前經者歟魏晉以來千五百載天運凡  
三大變占步之家一行王朴郭守敬最著自利瑪竇西  
法圖出蔑視一切是知一代之法自有一代之見彼瞻  
異氣於斗牛決寶劍於豐城者不必假之以相橫折矣  
況我

朝功德際天蟠地上下同流海隅日出罔不率俾幅員之廣  
爲隆古所未有而郡邑舊志乃憑往代偏隅所測宿度  
以律之安見其能脗合哉

按舊志徵引駁辨精檄的當無沿習顛錯之譏盖其  
慎哉要知善言天者必有合於人故天垂象見吉凶

豐城縣志

卷之一

星野

十

天固予人以恐懼修省之端而誠動天和致祥則人  
亦當以無敢戲渝者敦克謹天戒之實分候占星守  
常知異則七曜三垣二十八宿亘千古不易焉書曰  
明用庶徵禮曰承天之祜其在是夫

氣候

附

分野之星度既殊各土之氣候自異豐於南郡爲水鄉  
氣多蒸溼然東北多水西南復多山寒溫不常物候遲  
早稍異惟風不暴烈雨以時行則疾疫不作大有年民  
足衣食春月東風多雨氣寒至二月漸退晨霧則晴晴  
則暖雨則寒清明前浸穀種多風雨三月三日前後多

狂風雨俗傳爲劍風併稱雙龍朝故匣穀雨後郭公鳴  
維揚以端陽鳴淝淮以六月鳴氣候不同也夏四月西  
風多雨四月梅雨蒸溽俗稱爛霉天地石礎礎潤卽雨  
衣尙重綿四五月間大雨不止輒河流湍激山溪漫湧  
壞圩堤爲稼害秋潦亦然最宜者穀雨小滿夏至立秋  
日雨五月二十六日分龍雨十月內霜汁雨凡連日雨  
則防水澆旬晴復憂旱亦其地沙多而土薄故也六月  
炎熱少雨秋前宜種豆秋初南風多雨熱益燥呼秋老  
虎處暑種蕎麥八月猶熱白露宜種菜九月宜種油菜  
冬月東風多雪十月氣暖如春爾雅疏云十月曰陽月

俗呼小陽春可種花木恆數夜霜民喜豫卜有年小雪  
前後宜種麥仲季二冬喜雪不雪則來歲蟲害稼自小  
暑節後至立冬後早晚諸稻隨時收登附郭及平原早  
田稻或再收登特丹芍藥開放先中州一月桐菊花開  
後一月冬或久晴桃李開花不爲異

疆域

豐城縣隸江西省南昌府八州縣豐城次新建

縣在府西南境

距省水路百二十里陸路同

距京師三千二百四十九里

東抵辜家渡七十里進賢界自界至進賢縣治九十里

西抵槎爨市七十里清江界自界至清江縣治三十里

南抵界下源一百三十里樂安界自界至樂安縣治九

十里

北抵松湖鎮六十里新建界自界至新建縣治七十里

豐城縣志

卷之一

疆域

一

東南抵黃檗嶺一百里崇仁界自界至崇仁縣治四十

里

西南抵黎山一百一十里新淦界自界至新淦縣治五

十里

西北抵馬鞍山七十里高安界自界至高安縣治二十

里

東北一抵殷家渡四十里南昌界自界至南昌縣治八

十里一抵堯峯嶺四十里新建界自界至新建縣治

八十里

東西廣一百四十里

南北袤一百八十里

舊按云舊志皆坐西鄉爲西而畧其爲北準此以推  
是不據縣治爲向至也今按縣境全圖並加採訪悉  
訂正之

豐城縣志

卷之一

疆域

一一

沿革

禹貢淮海惟揚州

周禮東南曰揚州

春秋豫章吳楚分屬 周元王四年越王勾踐滅吳時豫

章地屬越 顯王三十六年楚威王熊商破越殺王無

疆盡取故吳地豫章地遂屬楚

秦豫章地隸九江郡 始皇二十四年王翦滅楚虜負芻

明年建九江郡豫章地屬焉及天下叛秦吳芮為番君

時豫章屬芮西楚項羽徙芮王衡山封英布為九江王

時豫章屬布後舉九江兵歸漢擊楚

豐城縣志

卷之一

沿革

一

漢豫章郡更隸不一

城南松陽門有大樟樹郡名以此水經注云豫章以水名都一云豫章樹

生庭中一云贛縣豫章水出西南因水名郡

高帝五年滅楚封英布為淮

南王 六年穎陰侯灌嬰定江南築豫章城始置郡屬

淮南國 十一年布反誅封子長為淮南王治布故地

又立兄子濞為吳王割淮南之豫章郡屬吳 景帝三

年濞反誅國除改豫章為郡領縣十八其一曰南昌

元封五年始置州刺史以豫章隸揚州部莽篡漢更名

九江郡

東漢復名豫章郡仍隸揚州領縣二十二 建安中孫權

據吳析南昌地置富城縣縣建富水西屬豫章郡隸揚

州故址在今富城鄉 建縣始此

晉泰康元年移治豐水西改名豐城屬豫章仍隸揚州

惠帝元康元年割豫章隸江州豐城屬焉

宋豐城隸江州如故

齊豐城隸江州如故

梁豫章郡隸江州領縣如故 武帝大同二年割豐城東

境立廣豐縣別屬巴山郡

巴山在撫州崇仁縣南以山有豫章太守欒巴祠故名

陳縣隸江州如故

隋洪州總管府 開皇九年罷豫章巴山豫甯三郡改置

洪州併豐城入廣豐縣初隸撫州後屬洪州 仁壽二

### 豐城縣志

#### 卷之一

沿革

一一

年避煬帝諱復名豐城大業十二年林士宏陷豫章

縣治廢 凡六年

唐洪州總管府又爲都督府後以洪州隸江南道又隸江

南西道復稱南昌軍更爲鎮南軍 武德五年復置豐

城縣暫寄廣豐殘治隸洪州高宗永徽二年移豐城

縣治於章水東今治所自始 昭宗天祐二年改豐城

爲吳臯縣時鍾傳鎮江西受唐節制梁玉朱全忠將篡

唐傳因其父名誠遂改豐城爲吳臯 天祐三年傳卒

子匡時立九月吳楊渥將秦裴以兵克洪州執匡時歸

於廣陵吳以裴爲江西置制使洪州遂爲吳有至徐知

誥篡吳州屬南唐垂四十年

後唐同光元年爲南唐保泰二年復改吳臯爲豐城

宋太祖開寶八年置鎮南軍於洪州隸江南西路豐城屬焉 建炎四年合江東西爲江南路 紹興初復分置江南西路 隆興三年以孝宗潛邸遙領鎮南軍故升洪州爲隆興府豐城屬如故

元至元十二年改隆興府爲隆興路設行都元帥府及安撫司共領八縣豐其一 二十三年以豐城戶滿五萬陞豐城爲富州隸隆興路

明太祖五年改隆興爲洪都府更爲南昌府改富州爲豐

豐城縣志

卷之一

沿革

三

城縣隸本府

國朝縣如明制

山川

治東山

楸山 距縣六十里高三百餘丈產楸木巔有磐石平敞可坐百人遊記及詩文見藝文

桃花巖 在楸山讀書臺西石屋容百人中有一山之勝跡巖上多桃花懸泉滴漈清曠為一山之勝

三角山 距邑六十里與楸山相聯峙狀如三髻故名相傳浮邱王郭三仙嘗往來于此

佛嶺 距邑七十里在楸山北近有招雲嶺鄉人望其頂隱見以驗晴雨

治東南山

鍾城山 距邑四十里前為城岡山下有瀑泉數十泓大旱不竭相傳有龍伏其下仙人以塔鎮之又前為冀

山里人游潛有詩見藝文

藁荷山 在澄源揭傒斯有詩見藝文

豐城縣志

卷之一

山川

鳳凰山 距縣七十里在楸山南晉昇平四年鳳凰將九雛於此故名

鵠仙山 距邑九十里俗傳舊有道人金冠氅衣誦經於此後乘黃鵠飛昇鄉人立廟祀之有詩見藝文

龍門山 距邑八十里相傳馬祖駐錫于此前為七寶峯下有龍湫

道人山 距邑八十里在龍門山西北馬祖嘗駐錫于此

堯山 距縣一百里其東北日蛟嶺為撫建孔道

連珠嶺 距縣八十里高低聯絡如珠故名

迴峯嶺 距縣九十里上為敷山北為兩髻山上界嶺中界嶺

兩髻山 距縣八十里在敷山東迴峯北雙峯並峙故名

白馬山 距邑三十里相傳晉時有三神乘白馬于此鄉人祀之

治南山

羅山 距縣八十里原名池山其巔有池冬夏不竭晉羅文

里跨撫洪吉三州境端秀穠麗自省譙望之如初出芙

蓉亭亭江水太平廣記云山有石人在社公陂鄉人沐

歐石巖 在羅山境幽絕巖上石如龍首泉懸滴出舌間巖

下石洞廣可二尺許昔有人執燭行數里風勁

燭滅返莫窮其底 猴峯 距縣七十里尖秀聳拔一名猴尖為學宮文筆峯

界嶺 距縣一百三十里嶺下為樂安縣界故名山勢高峻

始豐山 距縣七十里高三百丈有詩見藝文

柘山 距縣一百里形如覆盃周迴百里邑治地勢發脈于

黃金嶺 距縣八十里旁為蘆峯山又上為雷峯山

豐城縣志

卷之一

山川

一一

聳峯山 距縣五十里山峯聳峭故名

獅山 距縣三十里巉巖峭立形如獅其麓為一方義塾今

金華山 距縣六十里

三峯山 在長樂鄉距邑百十五里有市

定慧山 在長樂鄉距邑百十里有菴

青碭山 在長安鄉距邑百十五里有寺

宏願山 在長安鄉距邑百十里建有宏願堂

寓仙山 在長安鄉距邑百二十里建有宮

孤山 即澄山亦名昇華山距縣九十里自雞峯蜿蜒而來

祠歷朝屢著靈應朝拜者絡繹不絕下有水澄澈土人

汲以造麵色如丹砂

陀頭山 距縣三十里高五十丈週迴八里

徐家腦 距縣六十里山勢高峻為清豐二邑山龍祖山產煤乾隆年間清豐兩邑會勘禁止開取

麗城山 距縣五十里山勢平衍袤延五六里

賦碁嶺 距縣六十里相傳宋淳熙中有二仙坐石上奕因名

鳳山 距縣六十里狀如飛鳳其麓為二坊啟文書院邑侯王明璠有記

蟠龍山 距縣六十里上有真人廟屢著靈應

盧峯山 在二坊艾湖墟西偏層巒聳翠與孤羅二山鼎峙為西南名勝父老相傳盧仝曾結茅數椽憩息于此

此宋初有盧仝觀久廢明隆慶間南湖太史李文麓購買建造始改今名置有早田二十餘畝招僧住持

治西山

梅仙嶺 距縣二十里原名盛山又名飛鴻山漢南昌尉梅子真嘗修煉于此因名

豐城縣志 卷之一 山川 二二

密嶺 距縣十五里又名仙姑嶺高二百丈為邑屏蔽上有招雲石劍跡石下有密泉清冽香美有詩見藝文

望城岡 距縣五里登其上縣城畢見

赤岡山 距縣二十里一名黃金城聳拔巉巖壁峙江畔朱子過此有詩見藝文又二十里為金墉山

舊志云山微有土城故址相傳舊建吳臯縣考朱梁時避諱改豐城為吳臯仍屬今治是改名並未改地也又考元至元間移劍江驛于此尋廢前志以建驛為建縣殊誤

南神嶺 距縣四十里自荷嶺分脈至此聳峙上有祠日南神故名

五龍山 在長豐鄉距縣四十里高數十丈五山並峙故名

石龍山 在長豐鄉明御史鄒元標讀書于此現存貫燄初傳書額

泰氣嶺 在八坊高約三里許每春秋二分里人望其氣占年歲豐歉故名又日雷王嶺有木母樹葉可愈疾

金公泉水可明目 吳居閥記見藝文

洛伽山 在八十二都高出眾山林木茂美

治西北山

雷王嶺 在九坊距縣六十里高二百餘丈與飛旆山東西遙峙

烏石岡 距縣四十里許旌陽煉丹于此以劍劘泉泉水流丹

飛旆山 距縣七十里山自荷嶺折而南兀然拔起高為西鄉諸山最相傳舊有紅旆飛至卓立山巔時有自

武當歸者云某月某日武當失其紅旆一因名又日祖師嶺前有香爐峯東為飛鷲嶺

羅仙壇 北界高安羅真人嘗煉丹于此後飛昇去藥竈丹井尚存

雞股峯 距縣七十里山自荷嶺折而東眾山困聚惟此峯最尊西北界高安山峻峭寺僧雪竹鑿石開道遂為豐高

清潭嶺 北界高安山峻峭寺僧雪竹鑿石開道遂為豐高兩邑通衢

荷嶺 距縣七十里高三百餘丈西北為高安界東北為豐城界相傳丁王二仙栖真于此旁兩池秋冬不涸產

豐城縣志

卷之一

山川

四

荷花艷異凡品故名

馬鞍山 距縣七十里延袤百里狀如馬鞍巉巖險崎邑人陸叔祥鑿石開道其上

小華山 距縣六十里山自飛旆山奔注危峯卓立明大學士朱善姜曰廣皆有詩

米獅嶺 在歸德鄉

治北山

龍頭山 距縣十里如龍昂首故名邑下流砥柱山多石少土有兩磯與水激故又名磯山李夢陽有詩見藝

文

感山 距縣十里山勢平行江流環抱北五里為老蛤石又二里為鰈魚嶺有詩見藝文

堯峯嶺 距縣四十里為一邑水口鎮山因山巔有堯帝祠故名明嘉靖間南昌張鏊有記山產煤歷奉官禁

止採取

治東北山

大神嶺 距縣三十五里旁為廻龜嶺石勢嶙峋天將雨山頂出雲上有祖師菴左有演教寺

龍嶺 距縣四十五里其近山為伏嶺為金牛峯為月嶺

諸水

劍江 即贛江自章貢達虔吉入清江境會袁州水繞樟樹鎮透迤至邑治折而東北逕會省匯於彭蠡合於荆

江春夏洪漲勢甚湍急

豐水

源發永豐界出栢山歷長安樂繞梅仙劍池迤邐約一百五十里舊由長樂港入江第春漲江水逆入

為患明永樂間耆民楊長和疏請設堤障之導其流入三溪津達中溪環邑南與富水合至小港口入贛江

豐邑內水惟豐水源最遠其支流為多邇來長安長樂二鄉山阜皆童雨驟沙流盡入一線之港故河道日塞各圍堤工日興稍不堅固即為暴漲衝決下流糧田變為沙洲矣向日流沙尚在孫家渡以上今直

豐城縣志

卷之一

山川

五

至三溪津以下水患日急撫斯土者能無留意哉

富水

源自羅山歷角陂雙乘橋沅江至石灘下與豐水合繞故縣達吳城出小港口入贛江

西港水

發源新淦玉笥山逕清江入豐城界由麗城下銅釘過北湖至楓林墻舊自楓林逕潭埠入坪港湖

繞學宮下與豐富水會明萬歷間築典琴陂更鑿孫家渡至三溪津合豐水與富水會

雩韶水

白撫圩分入三江口出大江口入贛江俗呼撫河春夏水漲可通舟楫秋冬多涸

槎溪

發源猴峯西流經黃金橋入文江過黃沙達烏石岡雷家埠至赤石昌溪左埠納范家橋以上諸水會大

江口水入贛江晉太守范甯得靈槎于白石墓移載沈此水故名

隱溪

東流經湖茫温沙墩合雩韶水達鄔家渡至大江口入贛江

杭溪

源發介山清潭兩處中歷洪石至此達藥湖又合錦水入贛江

清潭水

源出荷嶺飛旆二山間南流至高安獨城鎮歷唐溪潭埠轉而東流入泉浦出老澣口入贛江

松溪水

源出飛旆山之東東北流經潦溪瀘田新溪轉而東流歷松湖又轉而東南流匯於藥湖今杭溪水出城雄汊入筠河與贛水合

蘆花港

源發五龍山經橫山一源發成坑經傅陂一源發上秋經秧坑俱過故里匯於文溪坪湖出蘆花港口與贛江合

曲江

邑東北十里形如半月中分三潭岸旁市鎮村落榆柳繚繞薄暮波平如盪金碧水鄉佳處

化龍潭

居其中邑西南七十里歲旱禱雨多應舊傳有鄉人化龍

龍湫

在龍門山下眾峯坳處有蟄龍積雨枯旱水無消長中有石色青黑可作硯

沙胡

城東南隅汪洋百畝為東城眾水所鍾北岸為盛家洲

諸洲

磨盤洲

在南門外坪港湖側三面濱水

豐城縣志

卷之一

山川

六

楊梓洲

縣西岸二十五里唐贈司空李承勳戰死于此

苦竹洲

于此國朝王士正有苦竹洲聞雁詩見藝文縣西十里許舊多竹今成膏壤梁將歐陽頴嘗軍

白洲

縣東北十五里為邑水日上多種瓜橘植李萬餘株花時一望如雪為春遊勝境

三洲

在縣北小港外上楊林中金雞下牛宿古讖云三洲相連必出狀元

龍霧洲

縣東北四十里有上洲中洲下洲袤二十里望之烟霧蒼茫故名洲為縣內諸水與贛水所會萬歷

間建塔示成塔址尚存或曰三洲連指此西有螺螄石屹立水中若底柱春漲瀾漫石沒水中舟行甚懼

青腦洲

新生洲

烏土洲

楊盤洲

青翼洲

皆邑拱衛若疊

嶂然

都圖鄉里墟市附

壹坊 在城坊下凡十甲  
在鄉圖下凡九都三十七圖三百七十甲

壹都 一圖二圖三圖  
貳都 一圖二圖三圖四圖

叁都 一圖二圖三圖  
肆都 一圖二圖四圖

伍都 一圖三圖四圖五圖  
陸都 一圖二圖三圖四圖  
五圖

柒都 一圖二圖三圖  
捌都 一圖二圖三圖

玖都 一圖二圖三圖

貳坊 在城坊下凡十甲  
在鄉圖下凡十六都三十八圖三百七十甲

拾都 一圖二圖  
拾壹都 一圖二圖

拾貳都 一圖二圖三圖  
拾叁都 一圖三圖四圖五圖

豐城縣志 卷之一 都圖 一

拾肆都 一圖二圖三圖  
拾伍都 一圖二圖

拾陸都 一圖  
拾柒都 一圖二圖

拾捌都 一圖二圖  
拾玖都 一圖二圖三圖

貳拾都 一圖二圖  
貳拾壹都 一圖二圖

貳拾貳都 一圖  
貳拾叁都 一圖二圖

貳拾肆都 一圖二圖  
貳拾伍都 一圖二圖三圖  
四圖

叁坊 在城坊下凡十甲  
在鄉圖下凡十五都三十八圖三百八十甲

貳拾陸都 一圖  
貳拾柒都 一圖二圖

貳拾捌都 一圖二圖  
貳拾玖都 一圖二圖三圖  
四圖五圖

叁拾都 一圖二圖三圖  
叁拾壹都 一圖二圖三圖  
四圖

叁拾貳都

一圖二圖三圖四圖

叁拾叁都

一圖又一圖

叁拾肆都

一圖二圖

叁拾伍都

一圖二圖

叁拾陸都

一圖二圖

叁拾柒都

一圖

叁拾捌都

一圖二圖

叁拾玖都

一圖

肆拾都

一圖二圖三圖

肆坊

在城坊下凡十甲

在鄉圖下凡十六都三十八圖半三百八十五甲

肆拾壹都

一圖二圖

肆拾貳都

一圖

肆拾叁都

半圖二圖

肆拾肆都

一圖二圖

肆拾伍都

一圖二圖三圖

肆拾陸都

一圖二圖

肆拾柒都

一圖二圖

肆拾捌都

一圖

豐城縣志

卷之一

都圖

一一

肆拾玖都

一圖二圖三圖又三圖

伍拾都

圖二圖

伍拾壹都

一圖二圖三圖四圖

伍拾貳都

一圖二圖

伍拾叁都

一圖二圖三圖

伍拾肆都

一圖二圖

伍拾伍都

一圖二圖三圖四圖

伍拾陸都

一圖二圖三圖四圖

伍坊

在城坊下凡十甲

在鄉圖下凡十都三十八圖三百八十甲

伍拾柒都

一圖二圖三圖

伍拾捌都

一圖二圖

伍拾玖都

一圖二圖三圖

陸拾都

一圖二圖

陸拾壹都

二圖三圖

陸拾貳都

一圖二圖三圖

陸拾叁都

一圖二圖三圖九圖新增十圖係臨邑寄莊

陸拾肆都

一圖二圖三圖四圖五圖六圖七圖八圖

陸拾陸都

一圖二圖三圖四圖五圖

陸坊

在城坊下凡七十甲  
在鄉圖下凡七十甲

三十九圖三百九十甲

陸拾柒都

一圖二圖三圖四圖

陸拾捌都

一圖二圖三圖四圖五圖六圖

陸拾玖都

一圖二圖三圖四圖

柒拾都

一圖二圖三圖四圖五圖六圖

柒拾壹都

一圖二圖三圖四圖

柒拾貳都

一圖二圖三圖四圖五圖六圖七圖九圖

柒拾叁都

一圖二圖三圖四圖五圖六圖七圖八圖

柒坊

在城坊下凡十甲  
在鄉圖下凡五都三十一圖三百一十甲

柒拾肆都

一圖二圖五圖六圖八圖九圖

柒拾伍都

一圖三圖四圖五圖六圖七圖八圖九圖十二圖

豐城縣志

卷之一

都圖

三

柒拾陸都

一圖二圖三圖

柒拾柒都

一圖二圖三圖四圖五圖六圖

柒拾捌都

一圖二圖三圖四圖五圖六圖七圖

捌坊

在城坊下凡十甲  
在鄉圖下凡五都三十五圖三百五十甲

柒拾玖都

二圖三圖五圖六圖七圖八圖

捌拾都

一圖二圖三圖四圖

捌拾壹都

一圖二圖三圖四圖五圖六圖七圖八圖

捌拾貳都

一圖二圖四圖五圖六圖七圖八圖

捌拾叁都

一圖二圖三圖四圖五圖六圖七圖八圖九圖十圖

玖坊

在城坊下凡十甲  
在鄉圖下凡六十甲

捌拾肆都

一圖二圖三圖四圖六圖七圖八圖九圖十圖

捌拾伍都 一圖三圖五圖六圖

捌拾陸都 一圖二圖又二圖三圖四圖五圖六圖七圖八圖九圖

捌拾柒都 一圖二圖三圖四圖五圖六圖七圖八圖

捌拾捌都 一圖二圖三圖四圖五圖六圖七圖

捌拾半都 一圖

豐邑均差法自明天順間一行後積年既久坊戶口耗減不一差役遂失其平至國朝順治十八年知縣何士錦始酌定坊甲宜均者若干圖甲宜均者若干圖空虛無全甲者若干甲逃絕無一丁者若干調劑一時而民稱便今國家休養生息百有餘年昔之創者起瘠者肥頗有不安于帮圖帮甲之名遂或以復圖復甲成誦相其機宜而善處之是在賢父母

康熙年間鄉里競立義圖賦分十限按月走輪底冬十月輒為報完繼則城中亦相率為義甲自立期限

# 豐城縣志

## 卷之一

都圖

四

踴躍輸將官誠便也而民之得便尤多何則義圖甲未立之時當社保者一年寫差一年正役一年經催加之頑戶拖欠比較無時依年限報完年清年款不僅三載自義圖義甲法行依年限報完年清年款吏追呼不及間里其視遊圖遊甲利害天淵矣今已為義圖義甲者固不可逞刁蔑義其尚為遊甲遊圖者盍亦因利乘便亟思改圖既以急公亦復便已夫何憚而不為此以上節錄舊志

登仙鄉 西縣所屬柒都叁拾肆圖 一都三圖二都四圖三都六圖四都三圖五都七圖

七圖六都五圖七都三圖

梅仙鄉 西縣所屬叁都捌圖 八都三圖九都三圖十都二圖

劍池鄉 西縣所屬柒都拾玖圖 十一都二圖十二都三圖十三都四圖十四都三圖

十五都二圖十六都一圖十七都二圖

長樂鄉南縣西所屬叁都柒圖十八都二十九都

長安鄉南縣所屬肆都玖圖二十一都二十二都二十三都二十四都

圖三

奉化鄉南縣所屬叁都拾圖二十五都二十六都二十七都

折桂鄉南縣所屬肆都拾捌圖二十九都三十都三十一都三十二都

都四圖

會昌鄉南縣東所屬肆都玖圖二十七都二十八都二十九都三十都

五都圖

長甯鄉南縣東所屬捌都拾肆圖三十六都三十七都三十八都三十九都

二十九都一圖四十都三圖四十一都一圖四十二都一圖四十三都二圖四十四都半

豐城縣志

卷之一

鄉里

五

富城鄉南縣所屬肆都柒圖四十四都四十五都四十六都四十七都四十八都

圖一

大順鄉東縣所屬陸都拾壹圖四十七都四十八都四十九都五十都

都四圖五十二都二圖五十三都三圖

廣豐鄉東縣所屬伍都拾叁圖四十四都四十五都四十六都四十七都四十八都

七都三圖五十八都二圖

正信鄉東縣所屬拾都肆拾柒圖二十九都三十都三十一都三十二都三十三都三十四都三十五都三十六都

十二都三圖六十三都三圖六十四都三圖六十五都三圖六十六都三圖六十七都三圖六十八都三圖六十九都三圖七十都三圖

圖

長豐鄉北縣西所屬肆都貳拾柒圖七十四都七十五都七十六都七十七都七十八都

圖七十三  
都八圖

宣風鄉北縣所屬捌都伍拾柒圖都六十九圖七十四圖七十圖

七十六都三圖七十七都六圖七十八都七圖七十九都六圖八十都一圖

興仁鄉北縣所屬伍都肆拾壹圖都八十圖八十二圖八十七圖

圖八十三都十圖  
八十四都九圖

歸德鄉北縣所屬肆都貳拾玖圖都八十五圖八十八圖九十圖

八圖八圖  
八都七圖

坊舊名里明洪武二年分爲八坊後復增爲九坊

壹坊去縣治西一里許舊屬一都至九都

貳坊在縣治西河街舊屬十都至二十五都

豐城縣志 卷之一 鄉里 六

叁坊在縣治西偏仙音巷舊屬二十六都至四十都

肆坊在縣治北門半里許舊屬四十一都至五十六都

伍坊在縣治南三百步舊屬五十七都至六十六都

陸坊居縣中舊屬六十七都至七十三都

柒坊去縣治東二百步舊屬七十四都至七十八都

捌坊去縣治東一百步舊屬七十九都至八十三都

玖坊去縣治東一里餘舊屬八十四都至八十八都又

舊按云明洪武二年建置坊里都圖賦稅徭役家戶  
各自輸將而每坊置長以爲催督法久弊生鄉里重  
困矣 國朝均編圖甲坊不轄圖公家之令始均平如

區凡計十有七舊名厥洪武十八年改爲區後廢所  
屬一三百五十九里

在城區 所屬三十五里 登仙區 所屬二十三里

劍池區 所屬二十八里 長樂區 所屬二十四里半

長安區 所屬五里 會昌區 所屬二十八里

富城區 東所屬十七里 西所屬十九里 正信區 所屬三十三里

廣豐區 所屬二十三里半 長豐區 東北所屬十四里 西南所屬十五里

長豐西北區 所屬十二里 宣風區 東所屬二十五里 西所屬二十一里

歸德區 南所屬十八里 北所屬十八里

豐乘曰侯國胙封儉於百里閱豐壤土眠侯國而四  
之而役者常不滿其三問其故曰彼籍絕矣曰某  
者逋租而竄也如某者以役繁流徙四方者也  
夫地大而耕非其地也民不著於土非其民也務  
治者貴來遠而邇且攜焉林赤子使之輕其鄉土  
棄其隴墓轉而之四方以墟吾疆域予甚慨焉是故

豐城縣志 卷之一 鄉里 七

均圖以濟虛毋失所便弛征以以瘵毋易所宜愛境  
內者宜究心焉

墟市

一坊

拖船埠 縣西三十里 黃墓街 縣西南二十五里

北湖墟 縣西南二十里 榮塘墟 縣西南二十五里

唐家墟 縣西南四十里 孫家渡 縣西南十里

夏陽岡 縣西南二十里 新市街 縣西四十里

二坊

漆家墟 縣南六十里 荷湖墟 縣西南六十里

艾湖墟 縣西南七十里 南江墟 縣南六十五里

丁橋墟 縣西南四十里

樓下墟 縣西南九十里

鐵爐頭 縣西南八十里

焦坑墟 縣西南百十里

新墟 縣西南百十里

三坊

水口廟 縣南三十五里

橋東墟 縣南三十里

洛湖橋 縣南五十里

秀才埠 縣南六十里

杜家圍 縣東南五十里

四坊

石灘市 縣東南二十里

淘沙墟 縣東南七十五里

苟芳墟 縣東南七十里

白馬寨 縣東南三十里

豐城縣志 卷之一 墟市

鄧家墟 縣東八十里

瓘山墟 縣東五十里

富岡墟 縣東八十里

衛坊墟 縣東九十里

潘橋墟 縣南八十里

楓樹墟 縣東六十里

暘墟 縣東九十里

五坊

篠塘墟 縣東三十里

仕溪墟 縣東三十里

白土墟 縣東四十里

謝坊墟 縣東四十里

大港口 縣東三十里

段公潭 縣東四十里

西州墟 縣東五十里

張家巷 縣東南三十里

袁家渡 縣東五十里

佛嶺墟 縣東五十里

三江口 縣東五十里  
南昌縣交界

六坊

邊街 縣東十里

侯塘岡墟 縣西二十里

白湖墟 縣西三十里

槎爨市 縣西七十里濱江  
清江高安交界

小港市 縣東北二十里  
濱江

七坊

尚莊墟 縣北十五里

曲江鎮 縣東北十里  
濱江

八坊

石溪墟 縣西北四十里

泉港墟 縣西四十里  
濱江

松湖鎮 縣北六十里  
近瑞河

藍塘墟 縣西六十里

豐城縣志

卷之一

墟市

九

九坊

瀘田墟 縣西北六十里

隍城墟 縣北六十里

河渠上

唐永徽間始遷縣治卽築堤由張家埠至寶氣亭陽靈觀週迴十餘里

宋天聖八年秘書郎毛恂校書郎鄒嚴著作郎張宿易以

石堤至明道二年博士徐紹齡始成之堤凡三級級高

一丈袤一百五十丈

黃庠有記

紹興十六年縣令胡連再加修治高四尺廣袤各二十

丈

王正己有記

淳熙五年帥闔辛棄疾建二埽于寶氣亭前濯纓巷口以殺奔湍

豐城縣志

卷之一

河渠

一

淳熙六年戊戌上流之觀港墻下流之聶家墻等堤皆大潰

慶元二年丙辰林尹仲懿勅稅亭石埽一併築觀巷堤七十丈有奇聶家墻三十五丈別增子堤十八處

劉德秀有記

嘉定五年壬申運幹李燔縣令葉廷邑人蘇致政等築敖家墻二十餘丈

嘉熙二年江岸多圯邑人徐鹿卿請於漕使曾思虎補埽五級

淳祐五年堤溢縣令劉卿月屬邑人朱用馬韶李徵劉

洽自東庵寺至縣治西北築土堤二百六十丈高八尺  
又自張埠至問津館改砌石堤更增兩級凡三百五十  
丈有奇 徐鹿卿有記

淳祐七年敖家壩決邑人趙汝仁等重築

〔元〕大德初達魯花赤阿刺威築馬湖壩三百丈又修壞堤  
六十四處

延祐二年州尹江從善必守兀等砌北堤

元統七年北堤復決鄉民重修

〔明〕洪武三十年知縣姚瑾縣丞何昭善重增二埽

永樂二年水八城壞民廬舍知縣范約縣丞何昭善修

豐城縣志

卷之一

河渠

一一

斗門堤增高五尺修安沙等堤百三十餘丈又修穆湖

圩明史河渠志補

宣德三年安沙繩灣堤壞巡按御史許勝奏請發民夫  
修築

宣德六年修城西北臨江石堤 明史河渠志補

正統改元水復衝堤縣丞周亶重修

正統六年築沙月諸河堤 明史河渠志補

正統九年堤壞知縣朱瑄重修

景泰間水決外堤徐叅政之宅皆成湖沼 即今石橋湖

成化二年內堤決

五年石堤傾圯殆盡

時布政使侯以功大難修欲遷治曲江請於撫按將  
允之邑尚書李裕在朝具疏陳請行藩司措石修理  
不得遷治復移書於撫院李及鎮巡諸公條悉利害  
且言遷邑不若修堤之費省而逸也議遂寢知縣李  
廷聰委主簿黃璫用錢萬緡修築起水口抵龍王壩  
凡三百餘丈  
黃有心計管轄人夫有千百長各執旗號整整不亂  
或自擔荷負土雜衆中以察勤惰故其甃石甚固邑  
人祀之名宦

豐城縣志

卷之一

河渠

三

宏治三年寺巷口堤圯

四年知縣俞振英修二十五丈

七年知縣劉璫修城西至仙壇壩皆砌石又捐俸併築

沿城堤一千四百丈

尚書李裕有記

十一年知縣何洽增一埽於水口

卽今橫巷口

十七年知府祝瀚增置水口石埽一敖家壩土埽一

尚書

楊廉  
有記

正德元年知縣朱諫因江關門傾於河自陽靈觀起至

新廟今連寺止修沿河石堤數百丈又以涂質萃請自

新廟起東至馬家埠止增修以石復築龍潭壩自龍

王廟起西至楊林洲止凡數百丈

七年吳尹嘉聰修補舊墻因築城是年於水口新埽之東築新墻北至普菴堂其後民居環之今毀

十五年大水決敖家墻時巡撫王陽明蒞豐相度地勢欲官置數舟載苦竹洲之土以實敖家湖使水趨於西毋東激東得西土堤墻益固誠至計也後不果載顧尹佖復承其面命於敖家湖楊柳湖之間築一土堤以內固併創石埽一於仙壇以遏外激至今賴之

嘉靖六年沈尹熺修各堤增高二尺

豐城縣志

卷之一

河渠

四

十五年馬湖墻傾胡典史桂竭力修之

十九年大水決堤時撫院王克齋方蒞豐圖之邑人黃貢士進上書欲開西河以殺其勢鑿安沙壩導水西行入蓮花湖達長溪會於江其見亦遠矣後當事者懼損西之稅田議遂寢

二十五年孫僉憲督修寺巷墻至烏陂灣一帶

二十八年韓尹弼增石埽於鴉鵲墻即今觀音堂三十三

年葛尹慈繼修之三十四五兩年連漲瓦窰灣鄢安濠墻皆傾曹尹大川修瓦窰以西及狗頸墻之半是年大修馬湖墻雷公腦諸處

四十一年精怪潭諸壩衝決二百三十丈敖家平豐諸壩及臨內河諸壩共傾塌八百三十丈署篆胡問府璞方修葺之

隆慶元年王通府士性移築馬湖內堤

萬歷二年水決南沙岸堤顧尹九思修築

十四年熊坊壩傾吳尹達可韓尹文相繼修築

三十四五兩年堤壩大壞盧守廷選檄張尹廷拱增建石埽於仙壇并條善後八議事詳李瑄碑記

按郡守盧公與邑侯張公條上八議一曰定堤壩之公私二曰量衝壞之緩急三曰酌地方之遠近

豐城縣志

卷之一

河渠

五

四曰嚴工匠之賞罰五曰畫地以專責成六曰申請以便歲修七曰均夫銀以明勞逸八曰立石碑以垂永久八議鑿鑿可行泐諸貞珉原以垂久遠而定遵守今邑治頭門豐碑盡行撤去遂使良法美意存其綱而逸其目後人行之鮮所依據可慨也夫

三十八年江尹朝賓增建石埽於平豐堤

四十三年馬湖壩傾圮徐尹揚先甃以石

崇禎九年謝尹龍文修馬湖壩

國朝

順治八年辛卯宗尹彝修上熊坊墻

十三年丙申宗尹彝築烏陂灣及沿河各墻增高二尺

十七年庚子何尹士錦修雞婆畬上墻建龍王廟鎮之

十八年辛丑大水決雞婆畬下墻何尹上其事於各憲委趙丞達於蔣家廩何家腦宋坊圩一帶修葺堅

固長二百餘丈廣十丈餘時丞在墻多方勸督與人夫同勞苦者凡五月

康熙二十六年丁卯大水決泊濂泥沙堤四十餘丈拖

船埠橫岸頭堤四十丈楊市灣堤三十餘丈彭家腦

豐城縣志

卷之一

河渠

六

堤九十餘丈鎮平堤百餘丈及柿樹湖彭家井邨家廩俱決楊尹森竭力修築

二十七年戊辰傾泥坑堤二十餘丈楊尹森修固

四十年辛巳水決鴉鵲堤七十餘丈泊濂上泥沙堤七十餘丈薛尹景瑩修築

四十三年甲申五月水鴉鵲堤復決數十丈白馬墻

決五十餘丈黃埠腦墻決六十餘丈薛尹景瑩修築

四十四年乙酉水決鴉鵲堤一百八十六丈壞徐姓

屋十七重淤塞田數百畝查丈除糧薛尹景瑩殫精

竭慮朝夕相度謀衆遷築於內名永安墻至今賴之

時小港官渡口馬爺廟蕭家園各墻俱傾薛尹因患多夫少借提次年民夫湊築

五十二年癸巳五月大水浮堤數尺決堤數十處其最著者蔣家廩決一百二十三丈壞蔣姓屋數十重地化爲潭茅園嘴決百餘丈馬湖墻決六十餘丈大巷口決四十餘丈淤田百餘畝龍潭墻決二十餘丈南沙岸決五十餘丈今遷築於內宋坊圩決百十餘丈舵背樹決八十餘丈盧尹佐斌修築

雍正四年丙午八月水決蕭家腦堤百十餘丈孟公墻百餘丈汪尹雲鵬用民夫修葺將孟公堤遷築二百

豐城縣志

卷之一

河渠

七

餘丈

十年壬子五月水決能坊堤一百五十四丈牛脚潭宋坊雷家廩殷家巷三處共決百十餘丈淤田傷稼不可勝計劉尹象賢念熊坊大患亟欲於傾處築塞奈河流橫衝決口深濶樁不能下始議將熊姓住居遷築在外

十二年劉尹象賢因堤工屢年傾圮損壞太甚上其事於各憲大中丞常惻念功大費繁民力難支奏請動鹽規項下銀五千八百兩官領修築委員傅潤程士錦裘思通程懋泓蔣省吾及本邑胡諭可久衛丞

鎰監築修補自驛前下首起及周公埽劉公埽華光  
嘴柿巷口普明堂觀音埽蔣家廩二王廟華仙埽虞  
家屋背各處石堤共一百七十三丈有奇又華光嘴  
及官湖墻何家屋背雷公腦長樂墻黎家灣白馬墻  
蕭家腦各處土堤八百二十八丈有奇

乾隆二年丁巳六月水決熊坊墻二百六十餘丈曾子  
墻四十餘丈蕭家腦二十餘丈舵背樹二十餘丈王  
尹調上其事大中丞岳巡視豐城親見各處堤工坍  
壞爲久遠計奏請動鹽規項下銀四千兩委員汪宗  
禮廖寧退程振程士廉葉霖梁廷椿陸聖祥沈濂沈

豐城縣志

卷之一

河渠

八

宗澗同邑尹分修監築自李家園起及疇西墻大南  
堤白馬腦精怪潭殷家巷熊坊墻闕巷口漏灌墻石  
潭墻七娘巷楊新口各處土堤共九百九十七丈又  
砌楊柳口石裕一座是年築熊坊墻將熊姓住居復  
圍墻內建龍王廟鎮之邑人甘紱紀其事於石  
四年大中丞岳又巡視豐城閱各處石堤坍陷復奏  
請動鹽規項下銀八千餘兩楊尹志道及東鄉尉葉  
霖監修拆砌自周公堤起暨普明堂登仙壇虞家屋  
背觀音埽熊坊墻各石堤共長一百二十八丈高二  
丈並請題免里夫每年動支鹽規項下銀一千五百

兩爲歲修永著爲例

九年癸亥四月水決馬湖堤二十餘丈朱尹懷栻動公搶修

十年乙丑朱尹懷栻因石堤膨裂崩坍詳請動項修砌大中丞塞奏請嗣後土工歸民照舊例派夫修築石工浩大歸官承辦將危險工程借支乾隆十一年十二年十三年合本年歲修共銀六千兩拆修營房前周公埽華光埽柿巷口龍王廟二王廟觀音埽毛家巷虞家屋背各石堤共一百三十餘丈高二丈縣尉傅繩祖監修

十一年丙寅四月浹旬大雨如注水漲外堤深二丈許漫過老石堤坍卸倒壞八段實屬險要大中丞塞復題借支乾隆十四年至十七年止四年公項歲修銀六千八百餘兩委傅尉繩祖董其事自馬家園起及二王廟官湖墻登仙壇合掌街虞家屋背砌各石堤共七十丈有奇高一丈八尺

十五年縣尹滿岱因營房下首一帶水刷河岸幾逼縣城議建石堤三十二丈以障之又于熊坊土堤頂衝添砌石堤八丈以乾隆十四年存留民夫折銀一千兩詳請動用不足者捐俸爲倡暨合邑紳衿士民

所捐共得銀一千九百兩有奇購備工料同傅尉繩  
祖監砌閱三月堤成

十六年四月營房前舊石堤坍塌五月舊隄及館驛  
前新堤盡陷閏五月內土復陷連及堤尾沙洲俱陷  
共計寬五丈長五十餘丈縣尹滿上其事 驛憲李  
府憲圖 分府方親臨踏勘 大中丞舒奏請動鹽  
規銀七千六百餘兩於營房前建立石埽斜長十二  
丈五尺高二丈二尺并建護堤長十二丈五尺高六  
尺又接新埽下首建石堤長四十二丈五尺高二丈  
二尺縣尹滿岱監砌

舊按云劍江水勢遷改不一而營房前及館驛前  
尤汕削日甚蓋緣對岸沙洲日長湍流愈迫而東  
今所坍塌處故老相傳爲古河道其或滄桑變易  
水將復行故道與但此地逼近縣城爲患最劇非  
大防捍善經畫則城廩田廬俱不可保

十八年癸酉十九年甲戌連年水決永安壩等土堤  
四十餘處經縣尹滿岱詳請修築蒙

撫憲鄂委驛憲王府憲朱駐工監督各委員分段修  
築並將通邑圩堤加高培厚至今賴焉

二十一年熊坊壩石堤坍塌縣尹孟毓蕃詳請拆修

二十七丈又拆修仙壇埽石堤七丈

二十六年辛巳水決角公嘴縣尹鍾光豫詳奉

撫憲湯准於角公嘴建立石埽一座長八丈併於埽  
之上下建石堤五丈

二十八年縣尹何焜煌詳奉

撫憲明題請熊坊壩石堤上下共添建石堤二十三  
丈并請文昌閣改建石堤三十丈

二十九年甲申水決馬湖壩二十九處共長一千零  
一丈五尺蒙府憲李督同署縣陳育敷修築堅固並  
議遷築馬湖壩土堤

豐城縣志

卷之一

河渠

十一

三十年縣尹李紀詳奉

撫憲吳題請於熊坊壩石堤上首添建石堤十八丈  
雷公腦土堤改建石堤十五丈

三十一年縣尹李紀詳奉

撫憲吳題請鄒家腦土隄改建石堤二十五丈并於  
角公嘴埽上下添建石堤七丈

三十五年縣尹于崇勅詳奉

撫憲海題請角公嘴土隄改建石堤二十二丈  
三十六年縣尹于崇勅詳奉

撫憲海題請鄒家腦土堤添建石堤二十四丈左家

渡土隄改建石堤十三丈

四十四年縣尹鄭樞詳奉

撫憲郝准於連珠寺土堤改建石堤十二丈

五十二年丁未水壞堤縣尹李培改建鎮平堤三十

二丈

五十六年辛亥水決堤縣尹王賡煒改建甘家湖石

堤五十丈

五十七年壬子大水決二黃墻官湖墻數十丈漂沒

廬舍淤塞糧田數千畝縣尹劉逢奇申請上憲堵築

修建石隄五十四丈五尺

豐城縣志

卷之一

河渠

十一

按乾隆五十七年壬子陰雨浹旬章江盛漲邑城

二黃墻官湖墻石堤貼近縣城外江內湖最關險

要頂衝處所堤身鼓裂決口五十四丈五尺附近

田園廬墓沖決不計其數當經邑令王賡煒署令

蔡萬年詳請修築未果以致決口刷成深潭連年

田廬浸灌積水不消五十八年始據本邑紳耆人

等具呈 目台蒙藩憲岳視民如傷單騎詣勘以

小舟繫繩測量河底冒險舟覆岳公被溺當經土

人撈救得生禮云以死勤事岳公有焉岳公旋卽

告病欣逢縣尹劉逢奇蒞任始以灾情具稟并請

於官湖墻楊柳湖先建子堤集夫趁築以護田廬  
乃獲有秋當蒙撫憲陳具奏二黃墻官湖墻石堤  
關係民生利害籲奏動 帑興修派委正雜各員  
蒞工董率築做欄水於口門內外先築排樁夾埧  
一道釘蓆填土截斷江水不使灌入後將埧內積  
水車涸則堤脚始克下樁外用碎石堆做坦水護  
隄更徵鞏固矣但所云於苦竹洲開挑引河則屬  
紙上空談未嘗見之實事昔王陽明先生云載苦  
竹之土以實敖家湖雖屬難行而先賢之言確有  
實據未始非他日治水之準繩也

嘉慶十六年知縣陳昌祚詳請改建楊家湖石堤三十  
三丈湖頭腦土堤八十三丈改建石堤七十二丈  
十八年知縣華希高詳請土堤改建石堤一百四十  
丈改建文昌閣石堤一十四丈

道光二年知縣徐清選詳請雷公腦土堤七十三丈改  
建石堤又改建湯家巷接螺螄街石堤五十七丈  
三年水決平豐墻土堤四十餘丈知縣徐清選修復  
改建石堤四丈大南堤修復六十一丈五尺  
七年水決花園墻堤九十七丈五尺改建石堤七十  
五丈

八年水決上下烏陂灣土堤一百八十丈牽灣改築上精怪潭決八十五丈五尺底刷成潭知縣高以本修復

九年春決松樹壩堤二十五丈知縣武穆醇興修

十年水決徐坊壩土堤二百零四丈決龍潭灣堤九十五丈知縣武穆醇遷灣修築

十二年春大水堤多沖決知縣王之道詳請先後修復

十三年水決任坊壩土堤一百九十八丈杜家門首甘家角土堤決一百餘丈知縣王之道詳奉

豐城縣志

卷之一

河渠

十四

撫憲周題請改建石堤七十三丈周公埽劍池廟石堤沖塌詳請動用里夫銀修砌花園壩石堤沖決改修土堤一百零三丈楊林口修復九十六丈

十四年水決南沙岸土堤一百四十八丈黎家灣二百十六丈蕭家腦四百丈知縣王之道詳請動用里夫銀一律修固

十六年知縣程燦策因小港口土堤久圯河水灌入兩圍湮沒民田八千餘畝詳奉

撫憲陳題請修建石閘一座 府憲張親臨勘工水分二道一由小港口入大河一由楓口中洲至大港

口入大河閘高二丈三尺長七丈五尺寬三丈閘有三門各寬八尺五寸高一丈三尺閘首修土堤一道長三十二丈寬三丈經費數萬協同紳耆勸捐修砌雷公腦船行門首灰堆下等處石堤因十四年大水冲決詳奉

撫憲陳題請府憲張親臨踏勘雷公腦迤南熊坊墻石堤一十五丈迤北鄒家腦石堤一十七丈添建雷公腦石堤五十七丈高三丈有奇面寬八尺脚寬一丈七尺添建熊坊墻石埽一座長九丈闊三丈船行門首灰堆下添砌護埽石堤四十二丈經費五萬

豐城縣志

卷之一

河渠

十五

餘兩十六年興修十九年工竣委員吳鳴鳳姚敏德應奎沈圻協同紳耆勸捐督修凡捐輸者詳請議敘獎勵有差

十七年水決文昌閣土堤三十餘丈王家橋堤一百五十丈知縣王之道補修  
十八年水決聶家礮土堤八十二丈五尺知縣王之道修復

二十一年水決雞婆畚堤三百八十五丈金剛井二百八十四丈秤勾嘴一百六十丈李家廩一百二十丈彭家井二百五十七丈知縣陳繼思詳請動用歲

修銀先後修復

二十二年小港口閘脚坍卸知縣葉濟英捐廉購石修砌又於文昌閣堤內添築護堤一道底寬一丈二尺面寬五尺候補縣叢占鰲監修郭公嘴決數十丈葉尹詳請動用里夫銀添建石埽下首加建石堤三丈二十四年冬工竣二十六年春被水冲陷三十餘丈閏五月水復漲被陷尤多葉尹濟英捐廉賠修二十三年水決大南墘土堤三十四丈五尺改建石堤小港口閘脚冲塌購石補修泥坑湖決二百四十一丈葉尹濟英遷灣修復

二十四年夏大水決雷公腦文昌閣土石二堤二百四十一丈長安墘決三百五十八丈志益腦決一百一十六丈鎮龍菴決一百一十五丈五尺麥園墘決一百一十丈湖頭腦決九十九丈左家渡公牙墘朱家灣車巷口牛峙灣等堤決二百餘丈七娘口謝家厰決二百六十丈白沙堤決六十九丈五尺璠埂墘金坊墘大橋墘籬下腦龍潭墘盧丁墘陳家腦等堤決二百六十餘丈熊坊墘平坊墘芳下腦等堤決二百五十九丈瑞河下蓮湖決四十丈營房前至灰堆下土堤加高三尺葉尹濟英集紳勸捐一律修復經

費三萬餘兩凡捐輸者詳請議敘

二十五年水決黃家廩土堤二百一十丈葉尹濟英  
修復

二十六年水決芳下腦角公嘴等堤葉尹濟英捐廉  
賠修衝塌杜家門首灰堆下石堤三十丈璠埂墻嚴  
家灣金坊墻等堤決一百四十丈陳尹官又一律修  
復決鄔家廩涂家墻夏家廩楊家巷漕倉背等堤一  
百五十餘丈陳尹捐廉修築灣修子墻九十六丈漕  
倉背至下天符廟遷修土堤二百一十五丈委員李  
廷楷監修

二十七年夏水決杜家門首甘家角石堤三十餘丈  
鄭尹長昕詳請動用里夫銀修砌

二十八年水決漕倉背鄔家廩等堤阮尹克峻詳請  
動用里夫銀修築

二十九年水決杜家門自甘家角石堤前鄭尹長昕  
捐廉賠修鄔家廩涂家墻漕倉背等堤決二百餘丈  
陳尹繼思捐廉補修并增修南沙岸李家廩夏家廩  
連珠寺杜家口等處

三十年水決漕倉背土石二堤甘家角石堤坍卸四  
十餘丈杜家門首灰堆下鄔家廩等堤屢修屢決章

尹裕善捐廉一律修復加高培厚修築完固至今賴之

咸豐元年春水決涂家壩土堤五十餘丈鄔家廩決二十餘丈牽陷杜家門首甘家角石堤十餘丈南沙岸決三十餘丈饒家廩決二十丈羅家嘴決三十餘丈余家廩決四十丈張尹鳴岐詳請動用里夫歲修銀一律修復

三年夏大水決杜家口石堤四十一丈灣修九十七丈五尺徐家廩決四十八丈灣修九十八丈五尺牛峙灣決二十餘丈灣修六十四丈張家角決四十丈

豐城縣志

卷之一

河渠

十八

灣修六十一丈五尺余家廩龍潭灣石盤頭鎮平隄鄭家廩麥園壩南沙岸饒家廩羅家嘴等堤決六百三十餘丈黃尹榮庚集紳勸捐一律興修四年三月蔡尹應嵩工峻凡捐輸俱邀獎敘

四年水決柿巷口等處石堤蔡尹應嵩集紳勸捐修復左家渡下天符廟創建石埽

五年龍潭灣堤決改建石堤六十五丈

六年南沙岸添修石埽一座劈分水勢

七年春水決尙書壩六十餘丈牽灣改築九十丈零三尺冲塌二王廟橫巷口灰堆下石堤決熊坊壩土

堤蔡尹廷蘭勸捐修復

八年夏大水冲塌周公埽館驛前石堤決平豐埽張家角羅家嘴楊家廩長湖口等土堤一千四百餘丈冲塌蘇家廩石堤二十五丈灣修土堤九十五丈楊家湖石堤三十三丈修復土堤一百零三丈楓樹壩決三十二丈灣修四十二丈五尺決瑞河橫壩頭陳相渡數十丈沙塞八十八都六圖一二五八等甲糧田六百八十餘畝蔡尹廷蘭先後勸捐修復

九年春冲塌二王廟石堤二十餘丈下及周公嘴石埽并南沙岸土堤大橋壩決七十八丈牽灣改築一

豐城縣志

卷之一

河渠

十九

百四十五丈五月護城龍王廟石堤冲決十三丈係緊要之處知縣哈爾葛尙阿集紳勸捐修復

十一年水決陳相渡八十餘丈陳相渡堤外沙洲與新建葛姓相連各以舊管地面爲界周尹溯賢集紳妥議牽灣改築加高培厚計一百五十餘丈倡捐修築完固

同治元年夏大水決馬湖壩堤七十五丈底刷成潭牽灣改築三百九十二丈決觀音埽合掌街土堤牽灣修復堤旁添修石埽一座長闊各六丈高二丈陳相渡決堤八十餘丈淤塞八十八都六圖一甲糧田二

百二十一畝淤塞二甲糧田四十七畝淤塞五甲糧田并改墻脚二百零三畝王家廩鄔家廩彭家井永安墻橫墻頭蛟塘墻等處皆決羅湖石閘小港口石閘俱被冲塌縣尹畢亮勸捐先後修竣

二年春水決羅湖石閘牽塌大橋墻官紳妥議按田派費修復左家渡添修石脚四十丈陳相渡決堤百餘丈是堤當瑞河之衝關係新豐兩邑生命自咸豐八年屢修屢決張尹師亮移會新建新尹鄧會勘妥議派修

三年水決漕倉背堤灣修三十六丈南沙岸添建石

豐城縣志

卷之一

河渠

二十一

埽一座改建石隄三十丈決長安墻黃賢埠等堤小港口閘脚塌卸牽決土堤張尹師亮倡捐修砌

四年水決官湖墻一百七十六丈灣修一百九十丈仙壇腦決一百二十五丈灣修一百四十五丈五尺合掌街決一百一十五丈灣修一百二十丈璠埂墻決三百三十八丈灣修三百四十五丈嚴家灣決一百零四丈灣修一百一十丈彭家湖決一百四十二丈灣修一百六十丈車巷口決七十丈灣修八十一丈傅家坊決一十三丈照舊修復龍舟墻決二百五十丈灣修二百八十四丈大港口決四十丈灣修五

十八丈淤塞糧田三百八十餘畝張尹師亮動用里夫銀興修五年陳尹汝霖修竣

五年春大水決官湖墻堤脚刷成深潭詳請各憲籌費興修灣築一百七十二丈脚寬十丈有奇面寬二丈二尺高二丈七尺砌石以護堤身籌借帑銀五千兩濟修璠埂墻決五十丈嚴家灣決四十丈芳下腦決一十五丈牽灣改築一百一十七丈金坊墻決二十丈志益腦決五十餘丈湖頭腦決十六丈七娘口決二十三丈盧丁墻決十八丈仙苗寺背灣決四十丈風堰墻決十一丈天符墻決二十丈陳家腦決

豐城縣志

卷之一

河渠

二十一

十八丈一律修復陳相渡決七十餘丈仙壇腦土石二堤決五十餘丈黃埠腦決二十丈南沙岸決二十五丈馬湖墻決十五丈大港口小港口高埂圍等堤決二百五十餘丈經費數萬張尹師亮陳尹汝霖前後倡捐興修協同紳耆一律補築完固凡出力官紳詳請獎敘有差委員孫毓秀畢亮等監修六年始告竣

七年水牽塌漕倉背石堤三十七丈五尺冲塌蓮珠寺石堤九十八丈五尺八年王尹家傑動用里夫銀修砌

九年南沙岸堤冲塌王尹家傑添修石堤十丈補修土堤數處

八年四月瑞河橫墻頭決一口又橫墻頭與新邑堤連屬處決半口陳相渡決一口猪頭灣決一口滕家墻決一口歷比年次年各決口籌費維艱未能補築嗣十年邑侯唐公先霖稟請

撫憲 藩憲撥款八百六十六兩六錢七分倡修又各圩民自籌貲費于是年十月間興工委員楊公葆宸大江司潘金安監督十二月間修築完固工竣

豐城縣志

卷之一

河渠

二十二

舊案云豐邑三面濱江外隆中窪恃堤作障偶

衝決闔邑墊溺所關最大每年用公項歲修銀併里夫歲修銀協築與他圩岸不同故名官墻其患口急者隄以石緩者隄以土而湍悍扼要之處則用石埽以截之茲列官墻名目於左

石堤

館驛前

新砌

七星埽

新砌

馬家園

周公埽

險

橫巷口

華光埽

險

柿巷口

險

觀音閣

外河內湖最險

龍王廟

外河內湖最險

何家埽

險

普明堂

二王廟

官湖塹湖外河內最險 仙壇埽為邑治最要之處迎衝頂滯

永安塹土隄 觀音埽險 合掌街

瓦窑灣 虞家屋背 蔣家廩險

華仙埽險

此沿河以上石堤計程五里許為縣治保障工最

鉅

土隄

蔣家廩險 彭家腦險 鄆家濠險

茅園嘴 曾子塹 精怪潭險

烏陂灣 斗母閣湖內外皆最險 土地巷

豐城縣志 卷之一 河渠 一二十三

應家巷 李家灣內外深潭最險 楊家腦

黃埠腦營前 劍池廟 大巷口險

鄒家腦 雷公腦湖外河內最險 文昌閣險

長樂塹 外熊坊土石堤內湖外河迎衝最險

上熊坊 黎家灣 雞婆畚

左家渡最險 上下天符廟 長安塹險

傅家腦險 黃賢埠險 上湖口陳家腦險

龍窟灣 秤勾嘴 金剛井

蕭家腦湖內外最險 白馬塹湖內外最險 相公廟

楊市灣 周園鄒婆園 泥湖坑

公牙墻

譚家門首

龍潭口

橫岸頭

以上自蔣家廩起至清江交界橫岸頭止共計程

四十五里

縣治下土堤

連珠寺

漕倉背

崩卸逼近倉後樓最險要

鄔家廩

涂家墻

夏家廩

險

楊家巷

螺螄街

龍潭湖

外河內湖最險

杜家門首

甘家角

險

濱江門

險

南寺湖

外河內湖最險

平豐埽

險

馬湖墻

豐城縣志

卷之一

河渠

一二十四

王家廩

郭公嘴

鎮平堤

南沙岸

三處俱外河內湖又迎衝最險

楊婆湖

聶家磧

徐坊

李家廩

任坊

王家橋

向陽湖

廖家井

王家圳

豬婆湖

秋塘

曾家廩

落鷺口

鎮龍菴

牛峙灣

徐家廩

余家廩

龍潭灣

麥園

鄭家廩

陳家湖

熊家廩

內外皆湖最險

曾家廩

彭家井

丁坊

石龍菴

蘇園

白沙湖

龍潭壩

張家角

雷公壩

邨家廩

周頭湖

黃泥窟

甘家湖

內湖外江迎衝最險

松樹壩

柿樹壩

曹家湖

涂家井

逼臨大江最險

孟公壩

逼臨大江最險

甘家廩

沙湖壩

臨江最險

官渡口

最險

大南堤

迎衝最險

余家潭

險

黃竹坑

險

李家廩

險

疇西壩

險

丁家嘴

小港營坊前

雙圳壩

百件壩

皮家廩

楓樹壩

豐城縣志

卷之一

河渠

二十五

陳家廩

險

尚書壩

內湖外江最險

花園壩

楊林口

險

饒家廩

險

羅家嘴

迎衝最險

蘇家廩

險

楊家廩

李家園

長湖口

朱家灣

車巷口

險

彭家湖

大港口

傅家坊

龍潭壩

以上自連珠寺起至龍潭壩南昌交界止共計程

三十里零

斗門南堤

在治南以障豐富二水之逆入者明永樂甲申范尹約修築

長樂港堤

在治南十里許豐水出江之故道元嘗塞而復決明永樂間耆民楊長和言於朝令

工修築兩月訖  
工民受其利

小港口堤

嘉慶六年築

按豐富二水歷來古道原由大港口直達大河自  
小港口開後每逢大河盛漲東西兩圍湖田八千  
餘畝巨浸無涯深受其害嘉慶六年始據東圍孫  
雨三西圍張海十等以水患不休籲請堵築小港  
以禦外漲開楓口以洩山水經縣詳 憲飭令本  
縣詣勘相度情形妥議詳覆隨經縣尹王履勘議  
得東西兩圍水患宜將小港支河堅固堵築則外  
河之水不致灌入為害開復楓口中洲而山水亦  
可宣洩無虞實屬樂利無疆之計詳覆興工自嘉  
慶七年堵築成工後外河之水不致灌入東西兩  
圍湖田連年咸屬有秋此築小港開楓口之明效  
大驗也苟外河之堤誠能保固不決則此舉變瘠  
土為沃壤其利賴為無窮矣

河西土堤

木林墘

程家厰

菱湖口

迎衝險舊名  
繩灣墘明洪

武辛未耆民陳  
惟德建言修築

安沙堤

鴉叉墘

洋新口

天符廟

風掩墘

盧丁墘

仙妙寺背灣

七娘口

險

履鬚口

朱家灣

湖頭腦

志益腦

險

金坊

斗門堤

呂家口

聶家潭

芳下

籬下腦

陳家腦

李家口

嚴家灣

璠玢塹

棋盤塹

石潭塹

漏灌塹

曾公腦

旗頭腦

皮家腦

建灣塹

熊樹灣

迎衝險

李家灣

謝家廩

蔴園

朱坊

險

白沙堤

社里灣

龍王廟

土主潭

豐城縣志

卷之一

河渠

二十七

大塘灣

濟埠塹

黃家園

缺港口

龍潭塹

以上自木林塹起至龍潭塹清江交界止計程六

十五里

上下蓮湖

新建  
交界

廖家廩

鄔家湖

胡家廩

柞樹塹

霍家灣

熊家埽頭

鄔家廩

熊家廩

熊家屋背

陳家塹

朝神廟

險

汪家塹

險

熊家屋後

喻家廩

橫塹

吳家廩

鄒家塹

鎮堤

上下滕家墻

夏家廩

天符廟

滕坊

濱瑞河險明正德間縣尹朱瑄嘗修葺隨圯俗傳中有水怪乃

鑄鉄牛三以鎮之典史劉忠專司其事堤遂成

豬頭灣

熊金屋後

險

蛟潭

險

陳祥渡

險

橫墻頭石山

險

以上自蓮湖起至橫墻頭止計程二十里

舊按云豐邑派夫之法舊例共三百三十二圖每

圖十甲每甲出夫一名內除殘缺不派外共得二

千九百七十四名又舊例十夫之內折夫二名每

名折價五錢五分八厘共扣夫五百九十五名折

豐城縣志

卷之一

河渠

一二十八

交價銀三百三十二兩一分以爲搶修椿埽之費

實存夫二千三百七十九名派撥各墻修築土堤

每一夫做土五方每方長廣各一丈厚一尺凡應

修堤墻估計丈尺俱照此積算

豐乘曰豐受五郡之水所衝勢若建瓴故其害先

被之每遇洪漲潰裂四出邑民往往懼有傾覆之

患其漂廬舍湮田土剗墳墓傷禾稼不可勝算宜

當事者必殫心焉微堤豐其沼矣不有埽也堤寧

無泐乎哉昔人以治水譬諸治兵堤爲正埽爲奇

堤以防其潰埽以遏其衝誠要術也今之要害上

流莫急於瓦窰灣下流莫急於平豐堤漢書曰右堤強則左堤傷左右俱強則下方傷苦竹洲日生於西岸激水東泐直奔瓦窰灣是右強而左傷矣自觀音堂諸埽以下左亦強矣而西洲若游魚日趨而上平豐堤則下方也能無傷乎是故救左傷則陽明先生運苦竹洲之土以實東岸其策及今可行焉又於烏陂灣建石埽以強其左斯可無虞矣救下方之傷宜易平豐以石堤每數級而上則小却毋大峻與水爭尺寸使水不得下嚙豐之水患或可少紓矣乎堤爲邑之利害甚鉅故備論其

豐城縣志

卷之一

河渠

一十九

事

明守盧廷選論曰先朝劍江稍溢輒欲徙縣治今持之數十百年使江如帶邑若覆盂者堤壩之力也議者欲盡去用夫但徵銀募役見爲目前小省然畚插併起積猾攬充強半皆疲弱虛應奸胥出没侵漁功什而不得一此坐費之道也夫懲噎者不廢滄若以豪強影佔人夫爲慮在縣長吏籌之熟執之堅以畫地責都圖以赴工分遠近緩急有準期會有時勞逸有量如湯令兆京兼徵夫銀之法近來勘定患額之議皆豐邑世世當遵勿變者

惟是迎流設埽尤爲治水第一訣約一石埽之費不下千餘金而長堤歲免榷薪所省亦不貲今仙壇埽平豐埽業已次第舉矣由唐永徽至今埽名稍易然不出縣治上下倘于劍江一帶伐石以障土增埽以捍流盡數十里金堤屹若砥柱之固雖李冰史起復出何以加哉

舊志曰豐澤國也五郡水發巨浸交流其不沒者僅斗大孤城及沿河堤壩一線耳波濤洶湧一望無際洞庭彭蠡不足以擬其狀故從來治豐者與志豐者莫不以及時用夫築堤爲首務奈何沿流

豐城縣志

卷之一

河渠

三十一

漸失始以堤而用夫繼用夫而不予堤愚者出貨以偷手足之安黠者射利自貽腹心之害勢不至淪胥以沒不止也今策惟以豐城之里夫修豐城之堤壩患大則大修患小則小修其不在要害者不得呈請則堤壩因而民力紓矣

舊志曰堤以備患而備患卒無善策自歲修里夫之法壞變而折銀則奸胥蠹役侵收耽延之弊滋策愈壞而不可支矣邇者

國帑頻頒所以策石工也將來保無浮銷粉飾之弊與此土石二堤誠不可不思行法之難而立善後

之策也夫邑爲諸水之交倚堤爲命苦決難塞今雖田廬倉庫稍稍無虞然培薄增卑一疎足敗百密策之不善患且立至偶一衝決良田變爲江湖窮簷淪於魚鱉哭聲滿野炊烟斷村國賦民生兩無所藉堤之患重且鉅哉患之備危乎艱哉願蒞茲土者按實稽費循舊用夫建萬世永賴功毋爲三年苟且計

按歲修之例盡善盡美之法也蓋水之決堤刷堤脚而決者十之一漫堤面而決者十之九要皆堤之低薄故耳若使歲修之費竭於堤工則老堤薄

者日厚低者日高水雖暴漲亦相安於常度不能爲隄防之患惟不爲桑土綢繆之計而狃厝火積薪之安有歲修之名無歲修之實無怪乎水災叠告而官修民修動勦拮据紛紛日起也語云有治人無治法信夫